

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona”, broj: 7/10), a u vezi sa članom 37. stav (1) i članom 46. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 142. sjednici, održanoj dana 18.02.2022. godine, d o n o s i

ZAKLJUČAK

o usvajanju Programa utroška namjenskih sredstava prikupljenih od naknade za zakup sportsko-privrednih lovišta za 2022. godinu u razdjelu 23, budžetska organizacija 01, potrošačka jedinica 0001, Budžeta Zeničko-dobojskog kantona za 2022. godinu pozicija 614300 NAC 903 „Tekući transfer udruženjima od zakupa korištenja sportsko-privrednih lovišta“

I.

Usvaja se Program utroška namjenskih sredstava prikupljenih od naknade za zakup sportsko-privrednih lovišta za 2022. godinu u razdjelu 23, budžetska organizacija 01, potrošačka jedinica 0001 Budžeta Zeničko-dobojskog kantona za 2022. godinu („Službene novine Zeničko-dobojskog kantona”, broj: 1/22), ekonomski kod 614300 NAC 903, pozicija „Tekući transfer udruženjima od zakupa korištenja sportsko-privrednih lovišta“, u iznosu od 25.000,00 KM (slovima: dvadesetpet hiljada konvertibilnih maraka) i čini sastavni dio ovog zaključka.

II.

Sredstva planirana Budžetom Kantona za namjene predviđene ovim zaključkom, realizovat će se isključivo u skladu sa realizacijom ostvarenih javnih prihoda od uplata od zakupa korištenja sportsko-privrednih lovišta u Budžetu Kantona.

III.

Za realizaciju ovog zaključka zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/22
Datum, 18.02.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x Ministarstvo finansija,
1x a/a.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON**

**MINISTARSTVO ZA POLJOPRIVREDU,
ŠUMARSTVO I VODOPRIVREDU**



**PROGRAM UTROŠKA NAMJENSKIH SREDSTAVA
PRIKUPLJENIH OD NAKNADE ZA ZAKUP SPORTSKO-
PRIVREDNIH LOVIŠTA ZA 2022. GODINU**

Zenica, februar 2022. godine

I UVOD

Na osnovu člana 37.a stav (1) i člana 39. stav (1) Zakona o lovstvu („Službene novine Federacije BiH“, broj: 4/06, 8/10 i 81/14) i Odluci o osnivanju lovišta na području Zeničko-dobojskog kantona („Službene novine Zeničko-dobojskog kantona“, broj: 10/09), Ministarstvo za poljoprivredu, šumarstvo i vodoprivredu je sa Udruženjima građana-Lovačkim društvima njih 13 (trinaest), zaključilo Ugovore o dodjeli sportsko-privrednih lovišta u zakup na period od 10 (deset) lovnih godina, izuzev za lovište „Kamenica“, koje se dodjeljuje Javnom preduzeću „Šumsko-privredno društvo Zeničko-dobojskog kantona d.o.o. Zavidovići-Poslovna jedinica Spomenik prirode „Tajan“, u skladu sa Odlukom o uslovima i vremenu privremene dodjele lovišta za lovnu sezonu.

II ZAKONSKI OSNOV ZA PROGRAM

Članom 37.a stav (4) i stav (5) Zakona o lovstvu („Službene novine Federacije BiH“, broj: 4/06, 8/10 i 81/14), propisano je da se godišnja zakupnina za korištenje sportsko-privrednih lovišta uplaćuje u korist Budžeta kantona u iznosu od 60%, u korist Budžeta Federacije Bosne i Hercegovine u iznosu od 20% i u Budžet općine na čijem području se ostvaruje prihod u iznosu od 20%, te da se prikupljena sredstva po osnovu zakupa lovišta koriste za unapređenje lovstva, kao i za druge obaveze propisane Zakonom. Članom 51. stav (2) Zakona o lovstvu definisan je pojam unapređenje lovstva, tako da se unapređivanjem lovstva smatra: zaštita, održavanje i poboljšanje životnih uslova divljači u lovištu (poboljšavanje ispasišta, dodatno hranjenje, održavanje solila i pojilišta), dostizanje i održavanje odgovarajuće spolne i starosne strukture pojedinih vrsta divljači u okviru utvrđenog kapaciteta lovišta, unošenje novih vrsta divljači u lovište, čuvanje i zaštita divljači i lovišta, izgradnja lovno-uzgojnih i lovno-tehničkih objekata, poduzimanje mjera za smanjenje šteta koju pričinii divljač, stručno osposobljavanje kadrova, izrada planskih dokumenata, naučno istraživački rad u lovstvu, nabavaka rasnih lovočuvarskih pasa i izdavačka djelatnost.

Članom 37. stav (1) Zakona o izvršavanju Budžeta Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22), propisano je da će se budžetska sredstva na poziciji „Tekući transferi i drugi tekući rashodi-namjenska sredstva” koristiti prema Programu utroška koji donosi Vlada Kantona, a u članu 46. stav (1) je utvrđeno da nadležno ministarstvo predlaže Vladi Kantona program utroška sredstava iz člana 37. istog Zakona.

III SVRHA PROGRAMA

Svrha programa je da Ministarstvo za poljoprivredu, šumarstvo i vodoprivredu Zeničko-dobojskog kantona zajedno sa korisnicima lovišta Udruženjima građana-Lovačkim društvima finansira i/ili sufinansira aktivnosti propisane članovima 37.a i 51. Zakona o lovstvu i na taj način doprinose unapređenju lovstva na području Zeničko-dobojskog kantona.

IV VISINA SREDSTAVA

Budžetom Zeničko-dobojskog kantona za 2022. godinu („Službene novine Zeničko-dobojskog kantona“, broj: 1/22) u razdjelu 23, budžetska organizacija 01, potrošačka jedinica 0001, ekonomski kod 614300 NAC 903, pozicija „Tekući transferi udruženjima od zakupa korištenja sportsko-privrednih lovišta“, planirana su sredstva u iznosu od 25.000,00 KM (slovima: dvadesetpet hiljada konvertibilnih maraka), koja čine neutrošena sredstva iz prethodnih godina u iznosu od 10.517,84 KM i ostvareni priliv sredstava za tekuću lovnu godinu (2021/2022. godina) u iznosu od 14.482,16 KM.

V IZVORI IZ KOJIH ĆE SE FINANSIRATI

Navedena sredstva ostvaruju se u Budžetu Zeničko-dobojskog kantona po osnovu prikupljenih naknada od zakupa za korištenje sportsko-privrednih lovišta na području Zeničko-dobojskog kantona, koja pripadaju Ministarstvu za poljoprivredu, šumarstvo i vodoprivredu u procentu od 60% i iznos nerealizovanih sredstava iz prethodnih godina u iznosu od 10.517,84 KM. Udruženja građana-Lovačka društva Zeničko-dobojskog kantona za lovnu 2021/2022. godinu, izvršila su uplatu godišnje zakupnine za korištenje lovišta u iznosu od 14.482,16 KM. Lovna godina je period od 1. aprila tekuće godine do 31. marta sljedeće godine.

Prikaz uplata zakupnine za lovnu 2021/2022. godinu po korisnicima lovišta

r/b	Korisnik lovišta	Upłaćeni iznos zakupnine za 2021/2022. godinu 60% u Budžet ZDK (KM)
1.	Lovačko društvo „TETRIJEB“, Olovo	1.920,00
2.	Lovačko društvo „ZVIJEZDA“, Vareš	1.735,54
3.	Lovačko društvo „BREZA“, Breza	270,00
4.	Udruženje Lovačko društvo „SRNDAĆ 1920“, Visoko	372,00
5.	Lovačko društvo „SRNDAĆ KAKANJ“, Kakanj	1.132,00
6.	Udruženje Lovačka organizacija „ZMAJEVAC“, Zenica	937,04
7.	Lovačko društvo „JELEČ“, Žepče	2.187,90
8.	Udruženje Lovačka organizacija „ORLOVIK“, Žepče	480,00
9.	Udruženje Lovačka organizacija „KLEK“, Zavidovići	2.280,00
10.	J.P. „Šumsko-privredno društvo ZDK“ d.o.o. Zavidovići	157,48
11.	Lovačko društvo „SOKO“, Maglaj	648,00
12.	Udruženje Lovačka organizacija „SRNDAĆ“, Doboj Jug	192,00
13.	Lovačko društvo „FAZAN“, Usora	1.420,00
14.	Lovačko društvo „KISELJAK“, Tešanj	750,00
U K U P N O:		14.482,16

VI NAČIN UTROŠKA SREDSTAVA

Sredstva planirana Programom utrošit će se za finansiranje i/ili sufinansiranje projekata prema Javnom pozivu za dostavljanje aplikacija korisnika lovišta na području Zeničko-dobojskog kantona i to za:

- Nabavku opreme za lovočuvarsku službu (terenska vozila ili druga oprema),
- Izgradnju lovno-uzgojnih objekata (pojilišta, hranilišta, solila, nabavka hrane za divljač, unos novih vrsta divljači u lovište, nabavka rasnih lovočuvarskih pasa i dr.),
- Izgradnju lovno-tehničkih objekata (lovačke kuće, domovi, čeke i dr.) i
- Izdavačku djelatnost, naučno istraživački rad u lovstvu ili edukaciju članova korisnika lovišta iz oblasti lovstva.

VII KRITERIJI ZA DODJELU SREDSTAVA

Kriteriji za dodjelu sredstava su:

- visina uplate zakupa korisnika lovišta i

- ocjena značaja realizacije aplikacija korisnika lovišta sa aspekta unapređenja lovstva.

Visina uplate zakupa boduje se na slijedeći način:

Korisniku lovišta koji je u lovnoj 2021/2022. godini uplatio najveći iznos zakupnine dodjeljuje se 7 (sedam) bodova, 6 (šest) bodova se dodjeljuje korisniku lovišta koji je uplatio neposredno niži iznos zakupnine i tako redom. Korisniku lovišta koji je u lovnoj 2021/2022. godini uplatio najniži iznos zakupnine dodjeljuje se 1 (jedan) bod.

Značaj realizacije zahtjeva korisnika lovišta boduje se na slijedeći način:

- Nabavka opreme za lovočuvarsku službu (nabavku terenskih vozila, krosera ili druge opreme kojom će se unaprijediti rad lovočuvarske službe)..... 8 bodova
- Izgradnja lovno-uzgojnih objekata (pojilišta, hranilišta, prihvatilišta za divljač), za nabavku i distribuciju hrane i vode za divljač, unos divljači u lovište i nabavka rasnih lovočuvarskih pasa 6 bodova
- Izgradnja lovno-tehničkih objekata (lovačke kuće, čeke i drugi objekti)..... 4 boda
- Izdavačka djelatnost, naučno istraživački rad u lovstvu ili edukaciju članova korisnika lovišta iz oblasti lovstva..... 2 boda

Naziv korisnika lovišta	Upłaćeni iznos zakupnine za lovnu 2021/2022. godinu	KRITERIJI ZA DODJELU SREDSTAVA OD NAKNADA ZA LOVSTVO SA BODOVNOM LISTOM SAČINJENOM NA OSNOVU KRITERIJA					Ukupan broj bodova	%	Visina dodijeljenih sredstava
		Visina uplaćene zakupnine	Nabavka opreme za lovočuvarsku službu (terenska vozila ili druga oprema)	Izgradnja lovno-uzgojnih objekata (pojilišta, hranilišta, solila, nabavka hrane za divljač, unos divljači u lovište, nabavka rasnih lovočuvarskih pasa i dr.)	Izgradnja lovno-tehničkih objekata (lovačke kuće, domovi, čeke i dr.)	Izdavačka djelatnost, naučno istraživački rad u lovstvu ili edukacija članova korisnika lovišta iz oblasti lovstva			
1	2	3	4	5	6	7	8	9	10
UKUPNO									

Ukupan broj bodova (T) koji su dobili podnosioci zahtjeva, boduju se sabiranjem bodova iz kolone 3 (P) i kolone 4, 5, 6 ili 7(R) odnosno prema slijedećoj formuli:

$$T = P + R$$

Pri čemu je

T - ukupan broj bodova koje je dobio podnosilac zahtjeva

P - broj bodova iz kolone 3

R - broj bodova iz kolone 4, 5, 6 ili 7.

Procenti iz kolone 9 (G) obračunavaju se prema slijedećoj formuli:

$$G = \frac{T}{Ts} \times 100$$

Pri čemu je

G- Procentualno učešće bodova podnosioca zahtjeva u odnosu na ukupan broj bodova

T - ukupan broj bodova koje je dobio podnosilac zahtjeva

Ts - ukupan broj bodova koje su dobili svi podnosioci zahtjeva

Dodijeljena sredstva iz kolone 10 (D) obračunavaju se prema slijedećoj formuli:

$$D = \frac{G}{100} \times S$$

Pri čemu je

D - visina dodijeljenih sredstava

G- Procentualno učešće bodova podnosioca zahtjeva u odnosu na ukupan broj bodova

S - Sredstva koja su Programom utroška namjenskih sredstava prikupljenih od naknade za zakup sportsko-privrednih lovišta za 2022. godinu, predviđena kao „Tekući transfer udruženjima od zakupa korištenja sportsko-privrednih lovišta“ u iznosu od 25.000,000 KM.

Ministarstvo će imenovati komisiju za utvrđivanje i provođenje Javnog poziva.

Ministarstvo će nakon utvrđene konačne rang liste prema Vladi Zeničko-dobojskog kantona uputiti prijedlog odluke odobravanju sredstava.

VIII IZVJEŠTAJ O UTROŠKU SREDSTAVA

Korisnici doznačenih sredstava dužni su dostaviti Ministarstvu za poljoprivredu, šumarstvo i vodoprivredu izvještaj o namjenskom utrošku sredstava do 31.12.2022. godine. U slučaju da korisnici doznačenih sredstava ne dostave izvještaj o namjenskom utrošku sredstava do ostavljenog roka neće imati pravo aplicirati za dodjelu sredstava u narednoj fiskalnoj godini.

Broj: 02-_____/22
Datum, 18.02.2022. godine
Zenica

PREMIJER

Mirnes Bašić

DOSTAVLJENO:

1x Ministarstvo za poljoprivredu, šumarstvo i
vodoprivredu,
1x Ministarstvo finansija,
1x a/a.